

北海漁唱・高郵耆舊詩餘

6/81

5582.8
3022
EAST
RARE



第226094

高郵耆舊詩餘

ACROSS

瓜
瓞
瓞
瓞
瓞

北海漁唱

北海漁唱余友王君賓谷詩餘也君珠湖世家子少孤得太夫人母教居多顧生性超淡不欲終老帖括補博士弟子員後試棘園輒高薦以額滿見遺識者惜之少嘗學琴於嚴石樵先生心手兩逸餘音曩然初寫小楷入二王室四十後縱覽秦漢碑碣變爲艸隸篆間以古趣攬入行艸有別致詩法君家摩詰然脫藁旋棄不甚惜詞則天性中所好者故錄成短帙以自娛悅近代詞宗推郭十三


爲巨擘珠湖先達如夏玉延先生郭之館甥也先生與郭相倡和講究唐宋眞血脈稱大家而君在髫齡卽與先生游稱小友親得指授法律益精細君嘗館淮山旋歸贖花舫老屋授徒以供饘粥暇肆力於漢魏古文間倚洞簫度新聲爲樂其安貧嗜學若此一日謂余曰人之相知貴相知心予知我者曷爲我序因憶吳蘭雪先生論詩評倉山詩如琴鋏山詩如瑟評已詩則如洞簫若君詞當以洞

簫喻余詞則以哀感拍邊笳矣君神采秀逸性藹如春慎勿蹈余轍君之居左有大溪古名北海子斷蘆淺港垂楊曲沼水鳥啁哳如天然畫圖在國初猶通東海潮汐今則止水也君嘗與二三友生垂釣於此自方漁人故以漁唱名其集時光緒丙子冬十月天長瘦梅宣鼎拜撰

U. C. BERKELEY LIBRARIES



0915481900



北海漁唱

高郵王寅賓谷



八聲甘州

罩幽窗瘦竹影清疏。簾波綠添痕。漸萼飛人
困。鶯啼晝永。又是殘春。算朝朝虛度。對鏡
暗銷魂。舊夢歸何處。舊恨空存。小病清歡
都減。任香沈寶篆。琴滿輕塵。但微吟倚柱。獨
自守黃昏。對中天。彎彎月子。儘淺斟淡酒。洗
愁根。便縱有萬千心事。付與誰論。

水龍吟

招菱蘭魂

悵兮一縷芳魂些。招兮酒盈尊些。思君不見
中庭閒。宋月黃昏些。空翠當窗。曉來何戀香
無痕些。飄飄兮涼灰淒清風露。君胡駕行雲
些。苔徑兮封塵些。烏曉兮掩重門些。心傷
兮。冉冉香滿空谷。誰如君些。別我何因。竹單
牀冷氣不春些。余心兮侶醉。瑤琴閒撫。盼歸
輪些。

二九

疏影

偶尋毘陵女史畫梅橫幅。張爍崖玩
賞不置。予因持贈。竝係以詞。

一枝寒碧。是美人贈我。春滿書壁。讀罷南華。
閒坐蕭齋。無言伴我晨夕。生綃自寫。亭亭影。
誰俗與華仙。詞筆潮縞衣香。夢闌珊。往事不
堪回憶。年少風流。張緒與。粲有佩契相見。
難釋半餉低徊。道是清臞。中有詩人風格。好
憑驛使殷勤寄。便贈汝。那容珍惜。但自今重

覓幽香殊覺小西岑宋

菩薩蠻

題美人折桃萼圖

綠雲庭院飛紅雨。一年春事誰爲主。薄命是
桃萼。怎生偏折它。桃花仍似舊人比。當年
瘦。崔護不曾來。桃萼空自開。

真珠簾

贈東亭女子

名花一朵紅纔吐。恨無人解識。自家調護。金

白文

屋合藏嬌。怎託根蓬戶。真箇綺羅香未識。待
誰與共商心素。休訴念我夫征人。聞之淒楚。
把酒欲問青天。算充陰彈指。便成春草蜂
蝶。正紛紛。要與萼爲主。寄語萼枝。須愛惜。莫
學做雪泥沾絮。記取怕。輕紅狼籍。夾來風雨。

踏莎行

贈何阜女郎珠小

金谷綠珠錢唐蘇小。合成一個佳人好。新妝
却厭粉脂污。春山淡。把蛾眉掃。格調兒憨
九每魚昌

性情兒傲有時並坐歡言笑有時畧解說相思有時故意將人惱

醉公子

題潯陽琵琶圖

瑟瑟風初起聲在蘆花裏涼月蕩孤舟四條絃上秋往事味誰訴江水東流去一霎聚萍蹤天涯淪落同

青玉案

送吳保庵歸廣陵

五

倦游我厭天涯路偏不忍君歸去二十三橋今有主月光斜照簫聲漫譜明遠蕪城賸烟萼三月春將算買箇扁舟載芳醕再過平山尋舊雨詩人吾與酒人吾與一笑重相遇

菩薩蠻

咏李少泉詠水仙萼

縞衣環珮風流格問卿何事紅塵謫譜入白牙琴知音知我心託根清且淨還比梅花韻羅襪盪纖埃弄珠神女來

臺城路

暮起偕少泉城南觀荷

晨游露浥郊原綠朝霞襯紅林表葉底鳬醒
波心魚戲清氣暢人裏抱飛塵不到看粉白
凝愁脂紅含笑水佩風裳凭闌擬議總難肖
一枝將放未放似破瓜時候吳娃季少半
面籠妝背人斜倚漢女洛妃姿貌風輕月曉
有幾瓣飄零烟波人杳憐惜幽芳相看宜起
早

賀新涼

少泉送酒鐙下孤斟半釀歌此用志
雅貺

塵網茫茫墮最無慘上鐙時候小窗枯坐瘦
骨自憐無一把打疊繩牀高臥料今夕愁城
難破默念故人多潦倒看年來陋巷無相過
真好箇悽惶我柴門輕叩知誰某是湖頭
嶺崎嶇落狂生一個贈我盈尊桑落酒道此
忘憂儘可且獨酌展開眉鎖語罷匆匆揮手
此海魚昌

太小泥鑪自煮菲柴火飲未盡歌鳴甌

清平樂

題楊駢卿梧桐溪處填詞圖

碧雲涼繡詞筆從來瘦庭院深深人散後愁
是秋心合就秦樓舊夢難忘生憎羅袂郎
當付與雙鬟低唱洞簫斜月昏黃

瑤華

題諸小江玉簪花畫扇

香鬟翠彈碧玉簪橫是阿誰妝飾搔頭雙鳳

子州

猶記尋竝顫紗窗芳夕鏡臺人去看漠漠寶
奩塵積對素姿頓觸秋心百種嬌愁誰惜
一季容易幽風恐潘郎憔悴雙鬢非管苔階
小步腸斷處墮珥遺鈿重覓風清月冷但一
縷疏疏香襲向更淡似解憐人露溼粉痕欲
滴

醉太平

銷寒三集作

三升濁醪十千價高酒杯以外鴻毛把愁腸
北海魚昌

自澆狂歌助豪輕裘解貂向中塊壘全拋
更無寒可銷

醉江月

哭吳子吉

甌湖之水有逼人清氣君收筆底贈我瑤編
盈一篋及愛真如昆弟買酒挑鐙論心踏月
拔劍長歌起饑驅吾輩近來蹤蹟疏矣
地鎖院相逢豪情猶管誰料別離久遙想灰
臺非宋莫慈母見之悲喜老父白頭孤兒黃

口怎不銜酸淚一尊沃酹問君今日能醉

長亭怨慢

送少泉之四川

這回別幾千餘里遙望長亭連天秌水夾岸
蘆花那堪瑟瑟晚風起拋人太也爭忍向崎
嶇地劍閣走蠶叢恐惹起故鄉情思顚顚
且開裏放眼到處搜羅佳士餘閒載酒更領
畧山川風味還記取客裏孤斟怕飲入離裏
成淚勸早賸歸來翦燭窗同醉

八聲甘州

少泉客蜀中以唐代莊氏所書心經
拓本見寄時駒兒殤感賸此解

自鹵方一卷佛經來波羅蜜多心愛簪花風
格爲夫資福字字情深供養香林小舍輕炷
海南沈趺坐觀心久月轉寧陰爭奈年年
行脚更維摩多病苦惱相侵看優曇一現酸
淚怎能禁料無緣華嚴富貴願還清宿業趁
而今我也擬寫經懺悔稽首慈雲

丙午

菩薩蠻

題少逸上人行脚小像

芒屨踏遍天涯路雲山萬疊閒來空畫卷與
詩囊袈裟一石裝我亦如行脚空色皆無
著託鉢且隨緣幾時纔息肩

大江東去

吳麇書供菊招飲醉而賸此

酒腸如渴正蓬廬兀坐停雲遙望忽報東籬
黃菊綻一介來邀相賞吟豔叢叢良朋某某
北溟漁唱

北漢書
裏抱爲之暢高燒紅燭。甕頭呼取家釀。買
尋大蠅團。臍肥魚巨口。產自珠湖港。藉此良
宵文字飲。塊壘胸中掃蕩。言笑談諧。周旋脫
畧。不諱形骸。放夏。漢月朗。大江東。太高唱。

如夢令

自題舊四瑣記後

可笑記言記動。試問有誰珍重。野史箸漁樵。
真箇汗牛充棟。無用無用。都付舊窗一竊。

醉太平

二十七

秋空雁高。詩緣酒豪。閒吟行過溪橋。看波光
月搖。良宵草拋閒愁。怎消醉眠湖上。逍遙
聽蘆花。潮。

金縷曲

題射陽傅介清詩集

昨過枚乘里。訪當年。無雙國士。釣臺遺址。日
暮停車空悵望。賸有一池煙水。樹七尺豐碑。
而已歌哭。淮陰稱博學。有故人傅亮家于此。
曾磨盾參戎事。風雲未遂男兒志。寫襟裛

平原筆法倪迂畫意更有新詩千百首寄託
無聊情思渾不減漁洋風致悔我依劉緣底
事臥茅廬讓汝成高士須及蚤定歸計

沁園春

爲夏路門太史題裕園圖

歸來來兮松菊猶存三徑重開念一官清秘
玉堂供奉千炷簪述金馬奇才車出井陘舟
過巫峽勝地遊觀大壯哉吾廬好有擁城書
簾映水樓臺田家風味尤佳更新翦茅茨

蓋小齋怕輕航直渡添栽弱柳虛窗透月補
種疏梅轟轟琴材琅琅簫韻都是青賢手澤
我看餘步正桂榮丹壑蘭秀瑤階

驀山溪

和壺山居士自述韻

梅萼使者學道貧而懶閉戶卽溪山間供養
香鑪茗椀藏書千卷日讀兩三張徒課罷月
來時座上客常滿布衣席帽淡粥兼粗飯
摘我後園蔬佐邨酒深深幾琰酣眠一覺萬

事不關心柴共米油與鹽自有山妻管

卜筮子

宣瘦梅寫鶴于壁詞以調之

窗外古梅花付汝天寒守汝與琴書共一船
齊名不減雲游候我欲上揚州十萬錢懸
肘汝亦昂藏破壁飛一跨容吾否

買陂塘

瘦梅允畫鵞舫行看子囑先倚一闋
寫圖中景賸此代柬催之

偕先生一枝詞筆寫余花舫幽興圖中大意
儂能說知否迂倪首肯摹逸境要慘淡經營
幻出烟波景浪平船穩有一鶴隨身一琴橫
榻書架插千本簾櫳靜筆硯精良齊整幽
曲曲檻閒凭兩三墨客騷人外添个短童瀾
茗斐几淨列石供瓶萼麈尾兼彝鼎晚烟欲
暝倩幾樹梅萼一痕瘦月相伴更溪飲

感皇恩

丁丑生朝和解林居士韵

三萬六千場。吾將過半。悟到真空。少牽絆。投
閒要養心。算爲形驅遣。小窗書一卷。焚香看
幻境。回頭感裏何限。歲序匆匆。又云晚多
情明月。依舊來窺荒館。酒人多濶別。梅花伴。

弄調

三萬六千場。纔過一半。此後無拘亦無絆。蓬
門溪掩。任我嘯歌消遣。自裁萼與竹間中看。
樂事殊多。逸情何限。尋子雖遲境娛晚。呼
唔初學。最愛文窗書館。毛詩能朗誦。青鐙伴。

百六十五

木蘭夢慢

睡燕和駢卿

歸來人倦後。聽紅袖下簾聲。正萼暝樓臺。柳
昏庭院。香夢初成。玳梁並栖正穩。把天涯芳
訊。總忘情。可識有人愁損。羅幃一枕春醒。
舊時王謝畫堂。更幻境。悟浮生。念巷口斜陽
橋邊落絮。一覺心驚。雙雙曉。因軟語。但呢喃
入耳。不分明。料尋常。曾瞑未足。怪他幾處。唬鶯

踏莎行

幽挹蘭芬秀搖竹影午窗一枕游仙醒茗甌
浮綠沁心脾烘姓遲日簾櫳靜鐵馬音清
金猊香冷厭々默々闌干凭枝頭嬌鳥數聲
唬梅夢零落東風緊

菩薩蠻

和談孚遠詠鼻烟壺

撲人清氣真仙境蓬萊方丈瀛洲景微吸驗
繩鈎點來黃玉伴瓊瑤攜滿袖酸味青梅
艷夏有百萼香其中春正長

百字令

鑾坡先生招往揚州張午橋都轉邀
飲次日又邀至劉樹君太史家與諸
詞客作消寒會時都轉蒐輯廣陵闔
屬詞付梓賸此贈之

索居無侶忽坡公招我催著平遊展行到竹
窗歌吹地三影詞人初識竹品柯亭絲彈焦
尾嘉客同浮白主人情重維舟連赴瑤席
聞道妙選別裁風流餘韻佳士邗江集多少

奇才潦倒輩文字英華爭出秦柳深情姜張
高致都仗先生筆尋聲定拍蜀岡井水澄碧

予以己卯之秋薄游珠湖識詞人賓谷王先
生鬚眉古處怡然藹然殊敬異之先生博學
工古文詞入庠後三試不售遂絕意進取居
城之北曰北海子葺其廬曰粵舫南北其牖
綠陰森々課徒以自適中年好道境益儉
脩不給宴如也豪于飲遇嘉客輒盡十數觥
無醉容興酣潑墨作擘窠書或寫梅數枝有
超然出塵之概予交先生九閱月無三日不
相見暇与登文游之臺望三十六湖烟水空

明淡遠胸懷洞開歌詠流連以相娛樂明年
秋予歸廣陵先生寄其詞稿曰北海漁唱屬
序之噫予敢序先生之詞歟然先生之意若
有非予不能道其所得是又不可以不文辭
者則先生之詞非予序之而又誰屬耶且夫
詞之爲學也意內而言外盡其學者言外而
已若夫意內之旨不在理法氣機也必其人
溫厚和平合乎風雅之旨斯爲得也先生性
簡易不矯情亦不隨俗安貧樂善里人共稱

之予序先生之詞並述其德行有如此信今
而傳後奚疑焉露白葭蒼伊人宛在他日扁
舟相訪張吾素琴淮海秋聲儘我兩人分取
可也時在光緒七年九月漂陽愚弟謝逢源
拜書

李震

字蒼雷高郵人諸生性疎豁喜結納工古文詞所著芝園初續集扶餘詞集俱散佚僅見呻吟稿

賀新涼自題小照

展卷驚奇醜者老翁面顏顰黑形容衰朽七十之六行
近白髮飄蕭盈首算斷送一生惟酒不信只今圖畫裡看
尊罍在側杯持手我與我周旋久生朝正值秋時候再
添些碧梧黃菊爲先生壽直注雙眸渾是醉底事不聞咲
口勸汝更滿浮大斗壓架牛腰千萬軸問書中人物今存
否身後事夫何有

前調 答豫兒江洲寄書兼示恆兒

行役嗟兒久爲頻年飢驅作客折腰五斗寂寞江干消息
杳夢醒不堪回首空望斷故園楊柳一紙家書渾是淚更
商量去住應留否雞肋味料難就西風敗葉沿江走漸
秋深霜淒露冷寒衣烏有兄弟飄零分兩地羨殺烏生八
九且寄汝一尊美酒痛飲莫添離別恨向寒窗好養攀花
手歸有日待分割

李必恆

字百藥高郵人廩生從祀鄉賢文行詳見州志舊
有三十六湖草堂集宋西陂選刻江左十五子集
中版今不存夏澹人選樗櫟詩與殷
樊桐詩合聚有二分明月詞一卷

如夢令

深院瑣窗人病昨夜天涯有信幾度問歸期只道歸期將
近無定無定開到荼蘼春盡

減字木蘭花

句曲道中

征鞭遙指茅茨一簇青山裡流水柴荆黃葉濃邊打稻聲
邨雞報午陣陣炊煙林際吐前路誰家青粉牆頭酒旆

斜

南歌子

曉夢曉紅頰離情冷翠簾蕭郎何事愛閒游纔說相思了
也又從頭欲語言仍咽臨行步轉留無情江水只東流
卻怪郎心不定似扁舟

南鄉子月下望金焦諸山

白浪打長空暮靄橫江霧氣濃埵影樓臺渾不辨溟濛只
聽金山寺裏鐘殘月海門東一望依稀識遠峯卻似
人妝閣上簾櫳淺黛遙青掩映中

蝶戀花京江晚渡

路入青山山繞樹樹裡人家家傍青山住幾曲清谿環向

戶邨邨黃葉迷歸路一帶岡巒連北固卻比閒愁歷亂
多無數野曠雲低天欲暮斜風細雨京江渡

百字令京江懷古

輕帆飽挂趁西風正是暮潮初上極目浮沈鷗影外日點
金焦無恙北府新屯南徐重鎮舊日旌旗壯果然天塹投
鞭誰設癡想休說六代興亡殘山賸水憑弔添惆悵最
是鸛河遺恨事化得蟲沙一樣娘子軍空書生策進牧馬
中原放淒涼夜月後庭商女猶唱

賀新涼讀大兄江洲寄札

寂寞思君久乍開緘仰天一歎淚珠傾斗墨點敲鴉連紙

尾又續新詩幾首抵幾葉荒蘆老柳聽說江干人侘傺問
元龍豪氣猶存否六州鐵錯難就 蕪城我亦飄零走任
紛紛朱門華屋於吾何有同作羈人兄更遠佳節況逢重
九怎禁得東籬無酒桑落吾鄉新釀綠好霜天肯負持螯
手歸計決待君剖

夏味堂

字鼎和高郵人乾隆丁酉年
舉人著有遂園詩鈔文鈔

迎春樂 東荃庭迎紅杜鵑

綠窗驀可睂兒鎖有何事關心大知他妝爲曉紅翠說忘
地輕拋我 久待借一枝穩坐解不脫鄉園因果忍聽子
規聲裡又負今年過

憶漢月

詞仲弟寄詠木瓜詞云更難忘故園一樹著
花也未余題其後

花月無端倂憊都爲傷春偷瘦睂尖吹上筆尖頭片片柳
顰雲皺 瓊瑤誰報也一霎價鄉心輕逗江城草色隔年
青可也夕暉依舊

沁園春 次綠葉點石上人招看瞻宸堂梅花韵

試問鄧林存者舊時能復幾株
吟夢醒浮山裝無作有詩
尋官閣故我今吾俗客看來紅羅圍定爭比殘鐘斷角初
且消受風前繫馬月下唳烏
生成骨相蕭疎但得一知
心不恨孤任調羹伴雪香曾變否弄琴落笛色可渝乎前
渡桃花經年柳樹自古停杯掩涕書好留待重來健者未
倩藜扶

沈荊漳

字廷璞高郵人廩生與兄健堂孝廉詩文齊名晚年作春草詩一時傳誦袁簡齋隨園詩話所采未盡所長有鹿谷詞一卷

西江月 春興

好夢要須春做好懷要及春開休將冷興滯蒿萊只是東
風無賴
裊裊綠煙簾幕霏霏紅雨樓臺鶯啼燕語逼人
來又聽杏花爭賣

虞美人 湖上秋暮

葦花蕭瑟夫容老古渡行人少淺深烏桕夕陽邨遙見酒
旗搖曳上柴門
女郎祠外煙如織森森平湖碧賣魚隔

岸兩三家又有幾枝秋柳帶秋鴉

滿江紅 新葺西齋

半壁西窗先糊就幾楞雪色也算得擁書而坐百城之國
赫赫三槐丞相府蕭蕭五柳先生宅細看來茅屋與雕梁
誰虛實曲背几低盈尺大腹甕容盈石任高歌醉後自
稱狂客紙閣蘆簾誇靜好譚空說有都隨得更何人卻寄
草堂貲詩酬值

沁園春

約李荃庭夏澹人宋綠巢舉填詞會書此代簡

淮海風流對客揮毫誠哉我師況龍圖學士

孫莘老覺珠光獻

瑞淮南夫子

陳唐卿造

星變陳詞玉笛樓中

王西樓磐

金樽湖上

張南

湖

樂府新聲唱和齊從頭數算故鄉者宿何代無之莫

當吾世中衰共紹述毋忘古昔時恰秦樓一曲青蓮譜舊
蓬山兩句紅杏情癡金殿彤軒銀鈎赭帕體格縱橫灑翰
奇余雖億億諸君樹幟尚可搴旗

賀新涼 秋海棠

小院催涼蚤忽傳語迴欄雕砌海棠開了卻是當年拋粉
黛幻出幾枝紅媚露一點嬌黃心小似訴前生幽獨意靠
銀牆不共春叢鬧甘自作斷腸草斷腸更復將誰道古
今來美人黃土飄零多少千載英雄凝碧血鏽蝕土花難
掃又說甚楓根繡襖縱使玉環能睡足倩何人銀燭當窗

照憐薄命惱微抱

望海潮聞荃庭新居卜成移家有日書此以賀

宅繞銅溝門通鐵市小橋路口微斜燠室逶迤涼軒颯爽
只須乞竹分花點綴稱隆容正牆催研粉窗待糊紗拭案
支牀排當鑪几到筆琶知他葛令陶家也移來黃菊載
得丹砂兩兩鴛鴦啾啾鸚鵡依然弄水呼茶卷軸更連車
好親教兒讀消遣年華剝啄頻來先生莫厭語周遮

賀新涼 豆棚

深院濃陰護遮莫是碧蘿補屋朱藤纏樹更種蛾眉新樣
豆縛箇小棚扶住看結實離離當戶赤日行空尋陰地漲

綠雲消得茶瓜午牆角下有人語敲鏗又灑黃昏雨添
幾箇濕螢明暗冷蛩濃絮滿摘筠簾供夜飲小下吳鹽白
煮蚤獵獵酸風褪暑莫雀啁啾除架了快呼兒抱蔓充薪
炬放冬旭到庭廡

夏振采

字受白高郵人諸生孤澹不諧於俗著有雙樓詩詳州志文苑傳

洞仙歌

舊雨樓落成友人以仙人好樓居見獎賦畲

瑤池碧落問仙家何許只待消搖便輕舉試狂來起舞醉
後高歌渾不覺兩袖飄飄如羽樓居從所好稍隔塵氛
何用他年踏雲去丹朮本虛無酒釀花濃還勝似洞天深
處更買箇漁舟繫湖濱聽新柳春濤敗蘆秋雨

喝火令讀騷

從古悲秋客居多絕妙文美人芳草評朝昏願築楚香詞
館把酒酌騷人旁祀樊南叟金荃亦在門許儂東道結

殷勤我也呼天我也會招魂我也蘭旌桂權隨處拾香塵

李本

字孫元號荃庭高郵人諸生著剩紅詞

憶王孫梨花

小魂清峭似湘娥一種幽情陋綺羅玉宇瓊樓位置他奈
伊何春近清明夜雨多

燭影搖紅

杜牧重來小門還認尋春路一番剗地五更風無奈春先
去劫數鶯花恨苦只天涯遲催夜牖粉盟零落魚信沈浮
瓜期擔誤 屈戍空房亞簷依舊櫻桃樹鸚哥聲斷玉籠
呼踏檻獨兒怒粉盞脂奩看取枉拋殘襟邊淚雨夢回羸

得薄倖從今一腔愁緒

虞美人

一枝濃豔春魂透正是盈盈候買花無計覓錢來可肯東
風相待緩吹開問春不語春難問花與儂俱恨恨銷除
是再相親知道移栽何地折何人

憶秦娥

春如繡梅花枝上妝紅豆妝紅豆有人花下與梅同瘦
相逢本是羅浮舊舊春情只許三分透三分透翠禽啼散幾
時成就

鵲橋仙

風酸雨苦寒愁暝困那更月圓人缺一年三百有餘天恁
沒些可人時節雲歸楚岫霜清湘浦悔煞不應輕別別
時贏得斷餘腸到如今九迴千結

賀新涼內人三十初度

燈落風初陡記當年內房屏底後堂簾口繡袷珠裊諸女
伴帕裏黃柑稱壽闌一片茱萸窗右今日孤邨都間隔只
荀娘通子屯相守人又在中年後黔婁夫壻鵲懸肘強
援他伯鸞孺仲自遮窮醜椎布相耕春廡下戲問卿曾知
否看一咲連連領首但對牛衣同健在勝排窠花詰紅騰
手能如是與之酒

前調 王山輝繪鸚鵡見贈

蕉雪寒池下是君家輞川舊橐用詩成畫粉本沿傳今幾
世圖徧紅嫣紫婉記昔日風流曹霸待詔南薰金殿敞對
宮鶯禁柳珠簾挂人易老條凋謝君今何太飄零也儘
江湖手龜脫脫墨耕筆稼白髮歸來空橐冷還自雲煙揮
灑兒隴外仙禽聊且小亞瓊枝應解說說時情只重燕支
價眞賞要待來者

夏紀堂

字有仲號秋室高郵人
附監生著有拾雅注

買陂塘 裕園觀荷臺朴山

買陂塘甚時能就算空饒此清趣年年聽說汀洲影濃灑
滿天花雨花解語便促起鴛鴦讓與閒鷗舞藕絲繫取問
太華峯頭若耶谿上斜日幾今古朱華荅名士名花難
遇勞勞駒隙爭妒含苞忍得荷心苦但恐賞花無侶澆綠
醕試采采清波曲聽蓮歌女周郎細譜只碧宇邊塘青筒
泛蠟宮徵付伊許

探春慢 閱荃庭詩詞合彙感寄兩嗣君

因病成顛習慣如醉琴書拋擲盈几傳到苔牋漸殘薇露
事業千秋蠟紙圖繪監門手更曲唱高山流水剩紅今日
重逢卅年縈夢魂矣 猶憶移宮換羽待聽向山陽笛韻
誰繼花事秋鐙談鋒永夜棣萼嚶鳴今幾一縷吟魂歇莫
輕把人琴亡擬壁羨雙清讓牠雛鳳音美

金縷曲

集故人詩翰張壁以江邨詩稿屬鳧邨補錄
鳧邨誤書爲二詞東改正即以志悲

舊夢苔岑觸數儕輩風流雲散聲華電促剩有衍波情壘
壘消遣新愁百斛忍飽付鼠牙蝨腹擁鼻拈須狂意態接
精誠壁上閒觀足祭詩感等華屋 書譌豈是曹騰讀動
哀思筆成蠅誤脛還鳧續回首遂園聯詠地李子空存詩
目悵夢斷池塘草綠一樣凋零兄與弟似羅浮煙雨飛難
復思往事淚盈掬

宋厚鑒

字綠巢高郵人廩
生著有之宋日記

浣溪沙采蓮

小玉身材稱素裳
釵紋依約縷金黃
白蘋花外櫂歌忙
未許藕絲黏翡翠
怕投蓮子嚇鴛鴦
歸來粉汗帶荷香

清平樂

搗箏摘阮薄吟梨
渦淺眉細不禁愁半點
人與春山共遠
問君花落誰邊
剩脂零粉輕煙再世
願爲柳絮化成萍
葉能圓

賀新涼乞友人園竹作帚掃舍

幾架編茅屋頗自信輒紅隔斷森森林木窗草岑苔牆薜
荔生意滿腔空綠無三斗俗塵待撲只苦炊藜煙有墨又
蟪蛄結網輕如穀黍敝帚短而禿君家左右皆修竹那
更讓渭川千畝湘江一幅掠地清風埃塽淨位置石坪棋
局應念我食原無肉特乞丈餘雙鳳尾作閉門卻掃閒題
目幸勿吝贈青玉

印綬

字若亭高
郵人諸生

揚州慢題感舊文集

一瓣心香兩行血淚網絲竟失滄溟說當年瑁璫枉蚤歲
窮經況多半幽光隱德故人安在墳草空青向蒼天搔首
文章何限英靈墨痕蝨飽賦招魂雲散煙零算大夢難
醒秋風易老飛剩餘燐鏤石有情終補湖珠在冷映文星
記琴材焦尾中郎前度曾聽

吳兆楠

字樸園號小梅高郵人國子監生
工篆隸詩古文辭著有願學齋草

南柯子 醃菜

老圃新霜擔長繩落照檐淺黃
百瓮壓青鹽蚤是鸞刀貧
味短莖拈蓄得羹材足何勞
粥塊兼冷香更作熱腸砭
酒後食單清供許頻添

周敏

字魯爲號樸山高郵人廩
生著有冷香吟社剝棗
山亭宴和湘子

要除熱惱謀吟趣楚江頭冷雲飄渡禿筆慣塗鴉偏隔斷
蘆花飛絮俗塵容易滯清歡只半夕萍蹤難聚舊夢許重
圓憑指點柴荆路又還苦雨抽愁緒問從今別懷誰訴
鐵拍最淒涼怕逗起秋心無數雪泥爪印背人鈔只領畧
當年雲樹落帽待伊人儘同向鷗邊住

龍山會九日文游臺登高

待放溪山權幾度箋雲勝約來登眺文游臺畔繞雙槳打

搖動半灘紅蓼蕭瑟助秋心清幽境飛塵不到任持螯舊
時吟侶綠尊同倒憐他一抹斜陽柳色疎疎問帶愁多
少湖帆天際杳覓圖畫爭寫四賢懷抱文讌聚萍蹤只留
得天涯鴻爪且開襟花枝咲插扣舷歸蚤

夏雲林

字京甫高
郵人諸生

瑤花詠寒花

深窗養翠矮几留紅愛餘芳清絕天生耐冷休比似蕭瑟
西風殘葉移根老圃任分得籬東高節還傲他暝窖春先
轉眼易成消歇開來一半穠時較浪蕊浮花丰韵都別
霜天近午微倖是不怕尋香蜂蝶歲寒身世儘作伴松篁
風雪種碧桃天上何人可惹世間攀折

徵招 所宜軒消寒小病未與倚謝主人

竹西舊鼓清游興霜天記同歸櫂破曉却行滕便榻塵忙

埽間鷗招聚蚤蚤開拓醉鄉多少易減吟懷易醒寒夢試
尋鴻爪誰料後緣慳苔岑遠空嗟屐痕難到悵悵養疴
時只箋雲投報詞人愁自老要商畧藥鑪茶鉢儘花下果
飮芳尊待瘦筇重召

吳廷楫

字雲舟號蘿谿
高郵人諸生

長亭怨慢 煨芋

問爭向巴田分取雅會消寒食單開註楮拙紅燒地鑪深
火足藏護一炊灰撥誰爛熟思量汝佐得腐儒餐料不道
朝飢愁語前度作羹材玉糝那似海南刀俎宰官滋味
甚清梵嬾殘禪悟最怕是認鳥疑羊便品字排來都誤只
澗底荆薪白石何人能煮

丁至和

字保盒江
都人諸生

醉落魄

來朝寒食。錫簫吹煥斜陽陌。美人煙水孤城隔。歸雁東風，
簾底杏花白。春衫寬盡春情窄。閒愁如縷回腸織。數聲
殘漏銀鐙側。暗換年華。清夜怨瑤瑟。

湘月

湖山秋老野蕘作花怯怯幽姿似傷遲暮因譜
念奴嬌詞指聲一解

冷雲碎貼。問香魂抱得秋思多少。素韞珠塵漸迤邐。輕逐
沙颺。吹香澹泣幽曉。嬌涵涼暈。一夜相思老。空留遺恨暝
煙畫滿愁橐。猶記碧玉芳年。橫塘脆笛暗銷凝。春蚤謾

訴飄零怕曲裏偷換漁天昏曉楚佩低搖湘弦罷弄月上汀洲小妝鈿誰拾片帆遠帶歸鳥

憶舊游 與馬竹漁夜話湖上舊游

記吟衫拂絮畫檣煙買醉虹橋唾綠湖波膩蕩香塵十里花霧迢迢沸雲豔歌金縷飛度一枝簫看夕照平山樓臺倒影鶯燕都嬌蕭條對流水想杜牧重來冶思難消臥柳隄陰老問眉痕深淺今爲誰描翠艫甚時同扣明月送歸潮但寄語盟鷗空城斷角吹麗譙

鷗鵠天

海棠秋冷娟楚可憐對物懷人不獨簾捲西風黃花同瘦也

冷雨闌干貼翠鈿相思如夢化空煙珊珊倩女魂難返楚楚秋孌態可憐金屋豔玉臺僊不須梳洗亦嬋娟冰綃慣是唬痕染腸斷西風又一年

慶清朝 春艸

燕陌泥蘇落裊凍坼孤根同轉青陽閒門晝掩漸看春滿吟窗十里馬嘶去後綠甃裙繞蛺蝶雙鐙期過好尋嫩約蚤鬪明妝猶記故園翠輦又爲誰鋪徧石冷臺荒征袍淚染謝池幽夢難忘漫剔玉鉤臥碣雨昏煙碧下雷塘王孫老賦歸未準愁共波長

祝英臺近 頤情館消寒詠山梅

步林幽尋澗曲春上翠微路凍萼絨紅未臘已爭吐定知

雪滿荒籬高人倦起正吟到暗香深處歲華算一枝秀
結松陰夜壑老蛟舞薜蘿蕭疏芳思在何許但教開落年
年都無羌笛^算唯有白雲來去

憶舊游 一庭春草飛絮依人根觸舊懷倚聲成詠

記湘簾撲雨畫閣藏陰初認冰魂未了纏綿意怕清谿十
里又種愁根翠樓舊時游冶玉鏡暗生塵嘆絕代傾城落
花如命孤負吟尊閒門畫長閉賸澹月晴雲替寫溫存
見說新來瘦況章臺春遠夢影難真待招謝堂雙燕相對
訴黃昏漫化作濛濛天涯淚溼襟上痕

鷓鴣天 客中清明

蹴踘西鄰笑語譁山城獨客正思家
錫簫巷陌多春雨燕子樓臺半落花
裘已換酒還賒空調杏酪感年華
榆錢難買東君住惆悵疏林有暮鴉

躑躅行 詠案頭石菖蒲

溼靄侵簾濃青暈几繡茸密刺松鍼碎紅塵飛不到空山
一襟詩思清於水暑洗梅陰秋通竹尾花磁風露生涼
翠年年細意翦愁絲
越來更覺愁絲細

唐多令

安宜多種白蓮迤邐十數里西風薦爽猶自
亭亭玉立顏色可憐余情信芳何以遣此

淨綠蕩湖光秋深愁斷腸
擢歌回添了者斜陽
傾蓋明珠三萬顆都難與慰淒涼
牽恨萬絲長佳人水一方
佩珊

珊清夢似瀟湘忽見分飛雙翡翠又忒地費思量

齊天樂

紫霞翁謂梅之初綻則輕紅未消已放則一白呈露古今詠梅罕有言白者洵欠事也施

中山初賦周卅窗和之余再和之

水邊初照珊瑚影輕盈弄姿幽絕鏡沼融冰鈿妝暈粉如此芳心誰說落陰步屨甚燕戶鶯簾尚餘殘雪一笑空山冷雲深處亂飛蝶燕支何事澹洗小窗清夢遠閒對明月碎翦絨綃濃霏麝炷將到成陰時節孤懷暗結正紙帳春寒玉簫聲咽漫與牆頭杏花隨意折

淒涼犯

丙辰七夕立秋坐滙夢館羅雲翳恨吟蟲絮愁展轉中宵不自知其情之所極想亦秋之深耶

豆花暈碧西風悄閒愁吹上籬角露螢正苦涼煙度暝一繩低絡芳心暗託恐容易香盟誤卻漸淒迷銀壺漏促我欲問靈鵲因動羈人感客枕幽單淚珠零落素鸞鏡冷霜蛛絲盡成蕭索夢繞鍼樓忍還訴鐙前舊約記天寒竹裏翠蟬衰影薄

瑤華 自題十三樓吹笛圖

芳雲墜絮夢雨飄茵又東風寒食孤吟情味唯記取小夜銀缸能識相思怕種柰流水都成愁碧便玉人喚起梅邊不似舊時消息催人杜宇聲聲嘆我已無家休問歸日詞腸一寸算總是清淚零星搓得棲鴉睂柳梢畫出傷心

顏色最可憐劫後鶯花漫把酒杯空擲

疏影過靈筋祠

銀牆樹隙看茸潮乍上涼影吹碧近岸人家閒挂簷簷垂
楊舊是相識昏鴉幾隊牙樯繞漸霧合靈旗飄直想夜深
環佩凌波隱約翠鬟低溼門外輕帆暫卸素鷗似笑我
還帶行色一片湖雲攬入斜陽蚤又樓陰催夕白蘋野水
秋無際漫錯認湘江瑤瑟算甚時谿藻盈筐好薦玉尊芳
席

霜葉飛秋夜懷黃季剛

露闌憑徧梧陰老孤蛩唳碎秋怨敗寒短髮不禁搔待醉
中重岸悵蓋篋空畱賦卷謝生雙屐清游倦記夢裏相逢
又掩靜落扉冷雲黃葉千片同是抱影銷魂登臨天末
故園難慰心眼已無一字可留題況水邨無雁便此後梅
花信煥征衣鉛淚都吹滿正嬾把簾鉤下落月東牆一鐙
涼翦

紅情

六月二十四日金螺青招同蔣鹿潭鮑問梅李
冰署郭堯卿集思古齋宴荷花生日拈玉田譜
分賦

歌殘玉笛喚野鷗夢醒訂盟香國占卻芳辰水佩綃裳弄
聽碧臨鏡脩然顧影疑太液初承恩澤想隔岸皓腕滄
塵濺轂羅溼瑤席茸雲積怕露冷綠房蓋傾珠滴素蟾

半蝕卅六鴛鴦怨岑
今夜紅衣漫舞愁
醉裏扶嬌無力
願歲歲花永好試妝似昔

點絳脣

歌伶蕊僊能唱清真曲音節諧婉醪香夜煖不覺霑醉贈以短歌

洗盡箏琶串珠圓轉鶯先妒
泥人情緒蘭息吹如縷
燕子歸來舊壘空塵霧
春回處一簾飛絮煙月黃昏苦

宣鼎

字瘦梅天長人
流寓高郵

點絳脣

題文游臺

勝蹟重尋湖天一覽無窮際
神居峯細帆影攢如蟻
欲拜蘇秦自愧塵容鄙
憑高倚家山宛在親舍蒼烟底

卜算子

題梅花吟舫壁上畫鶴

素壁寫仙禽歲暮長廝守
更有窗前兩樹梅飛去
什麼時候底事忽回頭
獨立猶拳肘老屋依稀赤壁舟
夢裏尋君否

壺中天

賓谷吹洞簫深得縹緲閒靜四字訣倚此奉贈

誰家豎簾過行雲驚醒壁間眠鶴不是吳悲乞食不是秦
樓伴玉北海漁人西湖漁唱更裂柯亭竹請開簾望枝頭
梅藥芬馥憶否赤壁當年潛蛟舞壑起聽鳴鳴曲老屋
果然低似艇權繼髯蘇游躅素月有情紅鐙無恙舊譜勤
溫熟君家華胄子淵詞賦還續

木蘭花慢

光緒甲戌贊居兩樹梅花館中十一月積
雪壓檐蠟梅破萼忽有仙蝶過訪焚香酌
酒蝶意怡然薄暮始翩翾飛去時有山舍
金石翁作記丙子冬十月補倚此解

聞韓憑化後留幻相在人間怪小別羅浮偷尋漆吏迂道
盤桓月珮雲裳怯冷瘦腰肢映雪更清孱粉翅細添梅韵
畫裙輕點苔斑上清淪謫墮塵寰無分獲驂鸞且酒醉

紅螺香薰翠鴨爐汝嬌寒十種楞嚴仙劫問飈輪馳去幾
時還欲補滕王真碧城間煞闌干

點絳脣 開皇石佛造像

古佛千年隋家好道留真蹟字如螭屈何待鳩摩譯大
士慈容堅固非頑石衣紋碧摩抄愛惜多被蒼苔蝕
前調 舊藏秦長生無極瓦當

金碧樓臺楚人烽火當時開麝蕪徑窈樵覓阿房道琢
作文房弔古傷懷抱墨磨好鐙窗悄悄戲仿冰斯草

前調 建興二年磚

質豈他山建興文字留傳古鬼神呵護羅列紋猶布積

潤晶瑩知雨如庭礎君知否漢家非故火德將衰土

前調漢王子孫銅劍鉤

含笑來看落青蘚翠鐫奇字空君孫子佳兆徵蘭嗣
鉤
鑄何年漢代應推是誰壯士腰懸弓矢早遂封侯志

王敬之

字寬甫高郵人

陌上花春盡揚州旅次倚寫悶懷

當時水調從頭歌起夜蓬淒韻廿四橋邊吹到幾番風信
落紅一點燕支淚先付淒波流恨恨而今枉是二分眉月
照餘潘鬢更餘醒曉枕疎鐘撞夢夢裏絲華銷盡晚
年光細雨暗愁催儘欲尋燕外春歸路應待夕陽晴穩料
多情只有隋隄風絮趁人飛緊

浣谿沙

窄地簾波睡起遲春寒作雨絲絲養花天氣困人時燕

外午風吹驟暝破雲一隙扁晴暉簫聲巷口綠陰肥

南鄉子 旅感

落葉滿荒坡蕭瑟旗亭倒巨羅醉酹二分明月影婆娑起
舞愁邊斫地歌故里渺滄波霜信蘆花遠夢多灑墨西
風酬雁字和它一樣天涯喚奈何

青玉案 一柳居分詠得寒邨

故遲黃葉江南權認聚落三家小牛帶鴉歸人過少冷煙
濃處犬聲如豹響畲冬春蚤茅柴價長風帘挑待雪蓬
門又殘照苦屋鄰家忙已了授書夫子應時延到圍坐兒
童鬧

賀新涼 晚翠軒詠漱裘

質庫攜歸惱惱看他而今禿似中書君老三十年來頻補
綴材取千羊未了更蝨蝕經秋都飽毛傳無多容易破仗
天吳一面圖顛倒渾不抵絮裝好披來瑟縮霜天曉有
誰記當時馬上五陵年少試向旗亭重換酒不值當爐一
笑爭說與同袍知道擁毳人偏尋冷伴負晴暄來趁黃絲
襖春服製算還蚤

摸魚兒

裕園者夏筠莊侍御遂初之地也今年荷花
極盛京甫邀客招涼竟日

占清華半陂香水虛涵涼曉風露平泉小築成高臥抵得
木天延仙今舊雨蚤會散者英別聚閒鷗侶前游認取認

楹帖鵲畱茶經酒政行樂及時補 南山下先隴遙連別

墅也留曾釣游處可帆亭子荒波外賸有砌苔蒼古漁唱

譜甚綠意紅情稱得詞仙語吟懷訴與只畫舫紅橋揚州

夢憶花壁四無暑

先文肅別業在天長故潘氏可帆園也中有可帆亭

水龍吟

與雨窗葦高郵舊詩存初冊將成玉延爲擬名曰覽社幽光集倚聲索和

幾堆蝨口殘戕半隨拉雜摧燒矣煙雲斷爛判和勒帛聽

人拋棄老樹風蟬荒階露蟀一般詩意更一般秋士秋心

不了來傳刻愁邊淚 多謝標題才鬼免湖天月沈寒水

知名已晚當時誰問苦吟身世續錄酸辛儘重搜訪那嫌

疣贅待千秋傳得高名見賞看光芒起

木蘭花慢題琴隱詞卷

問斜陽流水甚好語要天生道國士秦郎故鄉住好誰寫

遙情傳聽雁門治譜有琴絲儘和閣前鈴冷澹墨落戕袖

本婦裝壓重山程 旗亭舊路幾曾經冷落酒人醒又月

大花酣興來提唱仙夢屢清偷聲笑余字減也滄浪漁笛

起煙汀點竄還無定豪紫霞乞與閒評

桂枝香

檐馬

懷人正苦又撥觸年時最難忘處縷縷情絲無奈晚風庭

宇自從冷落游仙夢算重搖珮環來去月斜蟲咽酒醒雁

杳漸催愁赴 倚一枕荒郵倦旅比鈴語郎當應更淒楚

夢寄吟箋借寫側商新譜索伊敲和玲瓏韵怕孤藥遙夜
難度數聲纔歇又飛落葉響連疎雨

浪淘沙

燈暗酒人醒雨夜淒清風吹點滴竹窗聲無奈寒枝棲不
穩鸝鵲更更愁恨要都平除是天明來宵莫上小樓聽
免觸關山孤客夢前度淋鈴

減字木蘭花

春波路轉影度風蒲斜照遠花界黃昏月下門敲水上邨
江湖舊侶自在行雲隨去住酒醒鐙殘聽雨孤篷曉枕
寒

滿江紅

宋端平二年榮全據高郵叛官奴毛潛潛不
爲行酒見殺事聞贈英烈夫人詳宋史今有
墓在南城外

微矣官奴薶碧血芳名如昨勝學士高譚大節到頭還錯
惱問朝廷何負汝汝曹反賊公然作有海青一例共千秋
拋弦索紅顏命兒真薄青史筆人爭著便生涯歌舞也
休慙作英烈崇封坏土在叛臣朽骨今安託鑄頑金應跪
墓門前昭元惡

轉應曲

寒夢寒夢夢被詩魔調弄醒來吟落鐙花鐙暗紙窗月斜
斜月斜月巷口櫛聲敲歇

賀新涼 臺友人詠老少年

一葉梧桐翠儘輸他秋容淡後十分穠麗寫照紅顏能好在遲莫美人身世憑喚到無愁名字小藉萼光供豔福甚年光不怕隨流水也不怕惱秋士蕭蕭白髮今如此有疏影蘆花江上畫邊看似多買燕支誰著色爭憊還丹容易只還記先生扶醉楓徑歸來殘照裏照酒顏誰得兒童喜誇晚節翰香未

八聲甘州 夜行滄州衛河隄上

慣秋宵枕上不眠人愁忙況天涯正荒波斷岸員蟾冷曬風色蒼葭響亂鞭梢鐸口邨樹起驚鴉更送行旂過一犬籬笆也辨歸程通潞要安排筆格官舫檣紗柰平生下澤作計少游差到如今霜晨霜鬢轉勞生不了路三叉待茅店譜征人怨撥倩琵琶

虞美人

停鞭又是斜陽候草草三杯酒夢邊欹枕暗油缸孤負春風弦索馬頭腔分明說與愁人道儂只陪歡笑紅顏一霎鬢如絲看取桃花明日是空枝

豆葉黃

清霜二十四橋秋衰柳殘荷各自愁放鴨人歸一葉舟夕陽收水上鐘敲煙外樓

酒泉子 邳州

舊颿鞭絲沂水路三載春船重喚渡吹勻柳色曉風輕作
意趨清明餘寒消遣荒邨酒飮慣疏槃庾郎韭燕來時
候憶鄉園筍賣過頭番

揚州慢 送春和蘿谿

吮血鶉枯抱香蠹散砌紅萬點愁人看絲華過了賸幾樹
斜曛漸濃到王孫艸色馬嘶歸也空踏芳塵問離裏新釀
天涯多少酸辛恨餘賦筆儘銷磨風雨黃昏只冷落當
時星旂一片畱與招魂碧樣幾灣流水三生幻絮果萍因
對無聊圖畫餘情癡喚眞眞

夏崑林

字瘦生高郵人歲貢
生著有權邨樵唱

唐多令 白露後詠紡績娘

辛苦作秋孃鳴機夜漏長滿豆棚籬落花房切切嘈嘈無
限思憑訴與綠衣郎露白染葭蒼金籠蟋蟀藏共寒蟬
結舌何妨織斷絲風縑斷雨剩黃竹女兒箱

如夢令

紅雨一絲花縫碧月一方窗洞短穗一燈搖簾幕悄寒風
動風動風動吹散如煙殘夢

惜分釵

禁淒切聽幽咽碧空怕見團樂月月兒高轉花梢天上雲
環畫裏冰綃迢迢燈初滅人長別清寒鶴背衾如鐵柝
頻敲鼠輕跳醒也難堪夢也無膠蕭蕭

蝶戀花題花影吹笙圖

月影當窗花影亞心字香燒銀字笙調罷似水良宵臨水
榭無聲玉露因風下訴與嫦娥知和寡鐵笛梅邊我亦
吹簫者夢醒參橫燈半地碧天何處人如畫

買陂塘

裕園藕花盛開前此所未有也坐賞竟日爲倚此解

漲清波方塘一鑑藕花開到濃處曉風翻作霓裳舞不放
綠雲遮護前夢訴記葉子茨菰幾爛西灣路樓新樹古看
畫蝶徐穿冷螢悄上還戀舊鷗鷺闌干曲消受涼颼者
度濃澹香輕沁濃暑采蓮說唱江南曲一舸開紅誼來自
去省碧葉深杯替濁荷心苦茶煙半縷待珠露團餘芰裳
製後重坐聽秋雨

木蘭花慢將之白門留別吟侶

醒勞人幻夢又者度秣陵秋怕才說機忘旋爲名累隴吟
山羞悠悠半江逝水算冷波流盡桂花愁十里秦淮月榭
卅年倦旅荒郵聞鷗終是戀汀洲遲放木蘭舟剩一笛
商聲一繩雁影一曲離憂綢繆問他舊雨便最高峯上矚
同游說買平原絲繡斬新花樣能不

買陂塘秋末集晚翠軒醉後寄懷

寫蒼涼一腔孤悶夕陽染遍衰草等閒拋過登高節疎雨
幾番晴悄秋易老看落葉飄蕭失意和人惱西風瑁瑤算
青戀衫痕白侵簪影都是釀愁稿黃花放舊雨還招同
調莫天空處長嘯深愁說借深杯款只恐愁多酒少拚醉
倒怕醒眼模糊惹起旁觀笑揚州夢好好冷疊箋雲淒留
絮月重與訴歸棹時寬甫客郡城

金縷曲玉延自山右索觀近作倚寄別懷

一曲江城笛費連番汾橫雁影訊將消息墨綬銅章新簿
領羽檄星馳鹿粟時協辦兵差奏多少循良治績綠鬢牽絲工

製錦定風流增得詞人色悵翹首代雲隔分題疊唱思
疇昔畫圖中綴新竹舊許攬吟席潦倒鄉園甘匏落出處
頓殊踪跡儘唱遍春鵬秋蟀花落庭閒清似水把何郎筆
共春風憶肯寄我素書尺

水龍吟

寬甫雨窗輯聚高郵耆舊詩存初冊同玉延題後

無端抱膝長吟為誰歐盡心頭血春明夢香冬烘人咲秋
墳鬼咽爨下焦琴篋中廢錦湖干沈月看蒐羅編輯古人
可作說輕艱蟬魚劫此際幽懷如揭慰重泉幾經區扶
鈔珍万本傳慳一字佛緣先結尚有遺珍珠忍教滅沒後
來英傑怕蕉心宛轉柳枝綿弱願成虛設時有同輯聚續冊之議

南歌子花時邀友生權邨小集

做冷遲花信偷閑泥酒瓢薄雲輕海棠嬌留襯雨絲搖曳
鬢絲飄白白朱朱約鶯鶯燕燕嘲春光九十等閒拋好
試踏青屐齒小紅橋

醉落魄春盡日所宜軒看牡丹

鼠尾消息嫩寒著意餘花勒催晴布穀呼朝日殢雨闌風
紅意鬢絲隔有情酒借桃花色無絃譜疊梅花笛尋歡
此際春尤惜未到晚鐘三月正三十

劉熙載

字融齋興化人

浣溪沙春游漫興

問柳尋花不見春春風歲歲閱遊人成虧琴瑟鼓昭文
無事可須惟老健有錢難買是清貧樂猶多事況於嗔

菩薩蠻自適

人生誰缺榮期樂樂中住久渾忘却無事惹閒愁閒愁何
日休四時佳興足都是吾人福雪月更風花天公與已
奢

浣溪沙西山禪院訪徐進之

黃葉聲乾下半階
白雲無語戀高齋
不應先我有君來
孺子原非爭禮數
伯倫早已外形骸
渾教蓮社羨吾濟

虞美人 填詞二首

填詞有意誇工巧
工處還非妙
要全本色發天機
試問桃花流水豈人爲
湘漁撥棹歌清調
欸乃誰能笑
肯愛渠從 再填詞自後填字
詞填字可休提

好詞好在鬚眉氣
怕殺香奩體
便能綺怨似閨人
可奈先拋骰
驕自家身 剛腸似鐵
經千鍊肯作游絲
冒仰天不惜效歌鳥
正要歌姝幾輩
獻揶揄

一翦梅 醉中對月

陶寫閒情託玉壺
遊愛黃墟夢愛華胥
浮雲醉眼看來無
風自輕疎月自清孤
倘昧今吾與故吾
枉說眞儒妄說眞
如悟來全不費工夫
認得驪珠勝得離朱

金縷曲 改舊稿

算長爪算男兒知書識字
患原非小況復千金珍敝
帚幾夜挑削稿空坐損英雄
懷抱雞肋區區眞少味氣矜
隆肯作雕蟲老還整理信堪笑
思量正有其中奧喜春風
姜花吹盡特開鮮好看去古賢
勲業盛收在桑榆不少抵筆墨
更番入妙卻顧所來蹊徑換似
捨船漁子仙源到須識破這機
竅

水調歌頭漁父

潮落午風後打槳破秋烟但更素練千頃隨意下漁筌欲
把鮮鱗換酒恰好水前山後邨市一簾懸得酒灑然去歸
路葦花邊喚鄰翁忘主客儘流連醉餘揮手猶復對影
自鳴艇身外有何事業只爲一江明月夜半不曾眠此趣
渾兒歌向碧雲天

玉漏遲與陳茂亭飲酒家

滿空橫雪意天應欲勸今宵沈醉況我疎狂恰稱醉歌燕
市直共元龍去也且莫問高樓平地剛好是梅花香處玉
醅清美酒半抵掌論文似萬頃波瀾因風掀起老興淋

漓未減平生豪氣隔座少年休笑便拌飲也非容易心未
已杯乾更移江水

采桑子悟世

問春何在春應道也在桃花也在梨花誰是多些誰少些
漫自爭同異一似仙家一似禪家只怕東風笑兩
差

臨江仙夢宗惺泉談文

蚤歲心交三數子才如宗慤誰先故矜白戰逞空拳談天
驚稷下說鬼笑坡仙聞道達人生死外委形遺蛻同捐
夢中情話底流連願空文字障直契淨名禪

憶秦娥 渡黃河

黃河激霜晨北渡情識誰識情誰識祇應天際斷鴻去惜
邗江故舊繁思憶津亭笛弄催行急催行急伊涼未似
此音愁劇

如夢令題再到桃源圖

荒溪如故兩岸桃花無數莫要似漁郎忘却舊時歸
來路應悟應悟本是不曾歸去

謝逢源

字石溪溧陽人廩貢生流寓揚州

虞美人 和賓老寄懷二首用竹山聽雨韻

十年放酒江湖上夢醒梅花帳抱琴獨自返山中不遇知
音一諧松風無端飲馬長城下甚矣吾衰也故人欲
問此時情烟水茫茫沒處說分明
關山破月荒荒上寒氣森千帳一天旅思鴈聲中飛渡滄
江不怕石尤風秦亭木葉如雲下那見人歸也三千里
外寄君情北斗東邊看取客星明

談人格

字孚遠高郵人

桂枝香

補題古歙吳慕渠太守坐禪小照圖作僧伽像坐古松流水之間蓋守泰安時所作時咸豐丁巳年也太守緣事戍邊賜環後流寓吾郵今七十有八齡矣出圖屬題爰感而成此

終

穩

究苦行頭陀擇林而隱豈識閒禪曾被鶴書牽

引出山想亦前緣定現宰官遍臨名郡試談功德十年治

譜有經能印

念煩惱人間難盡直幻等空花從風吹墮

夢醒華嚴富貴漫嗟無分打包且與隨方住幸本來面還

堪認安心法在公如開社依公重問

又

聲於何起是一派清泉流從松底聞性原空到耳也應歡
喜風波幻宦海看真惡想回頭夢魂猶悸爭如宴坐片塵
不雜六根都洗 感行脚勞勞頻徙忽飛錫珠湖掩關留
止欲問年時繡佛可還勤禮西方妙諦誠宜究只古來升
天能幾請呈轉語人生最樂逢場游戲

字怨慢迷賓谷之東淘

且待行蹤稍住此日離亭緩歌金縷愁甚楊花鎖將官
道怕人去片帆挂也爭忍向東淘路路盡海之涯便回首
珠湖何處 羈旅却憐君未慣異地與誰同語三春暮矣
看芳草萋萋如許好拌醉卓女壚邊莫輕放流光虛度恐

酒力微時鉤起思鄉情苦

鵲橋仙 客窗聞布穀聲

雲沈似墨風尖如翦幾瓣落花輕墮曉來禽語忒分明宛
說六南邊好過 餘寒猶怯閒愁誰訴坐久和衣還臥也
知 不能真且屬付遲些啼破

踏莎行 王少愚屬題柳如是小像摹本

舊却波馳新圖花肖風流詎獨章臺少幅巾儒服想當年
改妝應慕東林好 紅豆園深絳雲樓小偕歸有分須偕
老那知轉瞬便春移兩朝領袖從調笑

鄭蕙

字苔仙職員程振妻工書畫善詩詞振山陽人寄
居揚郡甚久春初返里省墓揚郡失守蕙不肯入
館自作日記以述艱危困厄之狀六月末自劉遇
救自縊又遇救遂不食數日而死年四十二歲遺
集內有絕命詩云一死未容求九死須遂志哀哀
寸草心有自裁服何罪骨肉如雨散恩情圖報難只
看又作詞留訣其夫人

滿庭芳 用宋烈婦徐君寶妻原韻

三月煙花二分明月香車陌上如流變來今日犀甲帶吳
鉤何日玉師雨洗長驅入迅起貌貅危城裏天荆地棘不
是等閒愁長淮三百里回頭一笑夢也休休幸分飛兩
地翻謝河洲自顧此身安寄問前生著甚來由只餘得青

燐碧血何處十三樓

此宣古惠選錄其鄉人之詞皆清代人
北海漁唱無刻本高郵多詞人所
選皆有可觀丙戌正月得諸滬市
距古愚之沒已兩載矣且為保存擬
以贈高郵之善詞者 宴池



北海漁唱 稿本

RARE

55828
3022

NON-CIRCULATING BOOK

5582.8
3022



THE LIBRARY
OF
THE UNIVERSITY
OF CALIFORNIA